

6-06-16

17-2-10842


Վարչական իրավախախտման գործով զանգատն առանց բավարարման, իսկ որոշումն անփոփոխ թողնելու մասին

03.06.2016թ.

ք.Երևան

Ճանապարհային ոստիկանության պետ, ոստիկանության գնդապետ Ս. Ջալիլյան, վերանայելով քաղ. Կարեն Կարապետյանի դիմումի շուրջ ստեղծված նյութերը

Պ Ա Ր Զ Ե Ց Ի



2016թ. մայիսի 27-ին ճանապարհային ոստիկանություն է մուտքագրվել Երևան քաղաքի Շիրվանզադե փող. 4/22. 9բն. բնակիչ Կ.Կարապետյանի դիմումը որով վերջինս հայտնել է, որ սույն թվականի մայիսի 2-ին Երևան քաղաքի Մաշտոցի պողոտայում իրեն կանգնեցրել է ճանապարհային ոստիկանության ճՊԾ 1-ին սպայական գումարտակի 2-րդ սպայական դասակի ավագ տեսուչ, ոստիկանության մայոր Սուքիասյանը և վերագրել է խախտում՝ հակադիր հոսքերն իրարից բաժանող հոծ գծերը հատելը: Ըստ դիմումատուի ինքը չի համաձայնվել, քանի որ չի հիշում նման բան, սակայն տեսուչը կազմել է արձանագրություն և ընդունել է ԱԹ թիվ 720123 որոշումը, որտեղ ինքը նշել է իր անհամաձայնությունը՝ պահանջելով կցել խախտման տեսագրությունը:

Հայտնելով վերոգրյալը դիմումատուն հայտնել է, որ համաձայն չէ կայացված որոշման հետ, քանի որ իրեն չի ներկայացվել խախտում կատարելու վերաբերյալ ոչ մի ապացույց և տվյալ դեպքում բացակայում է վարչական իրավախախտման դեպքն ու խնդրել է անվավեր ճանաչել ԱԹ թիվ 720123 որոշումը:

Դիմումի ուսումնասիրությամբ պարզվել է, որ 2016թ. մայիսի 2-ին ժամը 20.25-ին Երևան քաղաքի Բյուզանդի փողոցում քաղ.Կ.Կարապետյանի կողմից վարած «Մերսեդես» մակնիշի 55 XX 551 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 2-րդ սպայական դասակի ավագ տեսուչ, ոստիկանության մայոր Կ.Սուքիասյանի և նույն դասակի տեսուչ, ոստիկանության կապիտան Ռ.Վարդանյանի կողմից ճեԿ-ի խախտման համար, այն է՝ վարորդը կատարել է ձախ շրջադարձ՝ հատելով հակադիր հոսքերն իրարից բաժանող հոծ գծերը: Վարորդի նկատմամբ կազմվել է համապատասխան արձանագրություն և համաձայն ՀՀ ՎիՎ օր-ի 124-րդ հոդվածի 2-րդ մասի կայացվել ԱԹ թիվ 720123 որոշումը վերջինիս 10.000 դրամ տուգանելու մասին:

Ըստ տեսուչների գրավոր բացատրությունների 2015թ. մայիսի 2-ին ժամը 20.25-ին Երևան քաղաքի Մաշտոցի պողոտայում նկատել են, որ «Մերսեդես» մակնիշի 55 XX 551 հաշվառման համարանիշի ավտոմոբիլի վարորդը կատարել է ձախ շրջադարձ՝ հատելով հակադիր հոսքերն իրարից բաժանող հոծ գծերը և մուտք է գործել Բյուզանդի փողոց: Խախտումը նկատելուց հետո, իրենք անմիջապես մուտք են գործել Բյուզանդի փողոց և բարձրախոսի միջոցով վարորդին հրահանգել են կանգ առնել: Ավագ տեսուչ Կ.Սուքիասյանը մոտեցել է վարորդին, ներկայացել է, պարզաբանել իրավախախտման բնույթը, պահանջել փաստաթղթերը՝ արձանագրություն կազմելու նպատակով: Մինչև արձանագրություն կազմելը վարորդը պահանջել է ներկայացնել իր կողմից թույլ տված խախտման տեսագրությունը, որին պարզաբանվել է, որ այն չի նկարահանվել, քանի որ իրենց առջևից ընթացող ավտոմոբիլը փակել էր տեսանկարահանող սարքի տեսադաշտը, սակայն խախտումն եղել է ակնհայտ և պարզ տեսանելի, ինչը բավարար է այն արձանագրելու համար: Համապատասխան վարչական արձանագրություն կազմելուց հետո վարորդին առաջարկվել է ծանոթանալ դրանում նշված խախտման բնույթին: Վերջինիս կողմից անհամաձայնությունը նշելուց հետո սակայն տեսուչ և Սուքիասյանի կողմից կատարվել է

Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի պահանջները՝ այն է՝ ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ քաղ. Կարեն Կարապետյանի արարքում առկա է Վարչական իրավախախտումների վերաբերյալ ՀՀ օրենսգրքի 124 հոդվածի 2-րդ մասով նախատեսված դեպքը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի

1. Կարեն Կարապետյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 2-րդ սպայական դասակի ավագ տեսուչ, ոստիկանության մայոր Կ.Սուքիասյանի կազմած ԱԹ թիվ 720123 վարչական իրավախախտման արձանագրության հիման վրա կայացրած 02.05.2016թ. որոշումը՝ Կարեն Կարապետյանին տաս հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել ճանապարհային ոստիկանության ՊՀՎ բաժնի ՎԳ բաժանմունք և դիմումատուին:

Կատարող Է.Բազիկյան
հեռ. 011-567944

